



Broj: JN-1-01-16-4-19-9/18

Datum: 06.07. 2018. godine

Ministrica za ljudska prava i izbjeglice BiH, na osnovu člana 55. Zakona o upravi („Službeni glasnik BiH“, broj 32/02 i 102/09), člana 64. stav (1) tačka (b), člana 70. stav (1), (3) i (6), člana 88. i člana 89. Zakona o javnim nabavkama („Službeni glasnik BiH“, broj 39/14), na Preporuku Komisije za javnu nabavku, broj: JN-1-01-16-4-19-7/18 od 25.6.2018. godine, u postupku javne nabavke usluga štampanja, donosi sljedeću:

ODLUKU

o izboru najpovoljnijeg ponuđača za nabavku usluga štampanja

Član 1.

Prihvata se Preporuka Komisije za nabavku, broj: JN-1-01-16-4-19-7/18 od 25.6.2018. godine i Ugovor se dodjeljuje ponuđaču Štamparija Fojnica d.d. Fojnica, ponuda broj: 148/18-1, od 07.06.2018. godine, za ponuđenu cijenu nakon e-aukcije u iznosu od 6.989,73 KM bez PDV-a, odnosno 8.177,99 KM sa uključenim PDV-om.

Član 2.

Izabrani ponuđač je u sklopu ponude dostavio dokaze o kvalifikovanosti u skladu sa članom 45. stav (1) tačke: c) i d) ZJN i članom 47. stav (1) tačke c) i to u roku od 5 (pet) dana nakon što bude obavješten od strane ugovornog organa o rezultatima postupka nabavke.

Ukoliko izabrani ponuđač ne dostavi traženu dokumentaciju u određenom roku, ili je dostavi na nepropisan i nepotpun način, ugovor za javnu nabavku dodjeliti će se drugorangiranom ponuđaču u skladu sa članom 72. stav (3) Zakona o javnim nabavkama.

Član 3.

Ugovor sa izabranim ponuđačem će se zaključiti na period od 1 (jedne) godine od dana potpisivanja ugovora.

Član 4.

Ova odluka će se objaviti na web stranici Ministarstva (www.mhrr.gov.ba), istovremeno sa upućivanjem ponuđačima koji su sudjelovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Za izvršenje ove odluke se ovlašćuje i zadužuje Sektor za opće, pravne i finansijsko-materijalne poslove Ministarstva za ljudska prava i izbjeglice BiH.

Član 6.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke usluga štampanja broj: JN-1-01-16-4-19-1/18 od 28.05.2018. godine. Javna nabavka je provedena putem konkurentskog zatjeva za dostavu ponuda za nabavku usluga štampanja.

Procijenjena vrijedost javne nabavke bez PDV-a je 14.529,92 KM, odnosno 17.000,00 KM sa PDV-om.

Obavještenje o nabavci, broj: 679-7-2-15-3-16/18, objavljeno dana 29.05.2018. godine na Portalu javnih nabavki. Tenderska dokumentacija, broj: JN-1-01-16-4-19-2/18 od 29.05.2018. godine. Komisija za nabavku imenovana je Odlukom, broj: 01-02.2.116-1/18 od 15.01.2018. godine.

Komisija za javne nabavke dostavila je ugovornom organu (ministrici za ljudska prava i izbjeglice BiH) Zapisnik o pregledu i ocjeni ponuda, broj: JN-1-01-16-4-19-6/18 od 25.6.2018. godine, Preporuku o izboru najpovoljnijeg ponuđača, broj: JN-1-01-16-4-19-7/18 od 25.6.2018. godine i Izvještaj o radu, broj: JN-1-01-16-4-19-8/18 od 25.6.2018. godine u postupku javne nabavke usluga štampanja.

U postupku po Izvještaju o radu utvrđeno je da je Komisija za javne nabavke blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno šest (6) ponuda;
- da je blagovremeno zaprimljeno šest (6) ponuda;
- da nije bilo neblagovremeno primljenih ponuda;
- da su ponude ponuđača:

Naziv i sjedište ponuđača	
1	B-ELI-M d.o.o. Lukavac
2	Štamparija Fojnica d.d. Fojnica
3	SVJETLOST-BH PRINT d.o.o. Sarajevo
4	GRAFIČAR d.o.o. Bihać
5	O.R. AGENCIJA ALIGO Ilidža

kvalifikovane i prihvatljive, te da su navedeni ponuđači dostavili sve tražene dokaze propisane tenderskom dokumentacijom, na propisan način.

- da se ponuda ponuđača Pentagram d.o.o Sarajevo isključuje zbog neispunjavanja uslova za kvalifikaciju, u skladu sa članom 68. stav (1) i stav 4. tačka i) Zakona o javnim nabavkama;
- da je provedena e-aukcija putem informacionog sistema Javnih nabavki dana 21.06.2018. godine.

Uvidom u ponudu ponuđača Pentagram d.o.o. Sarajevo utvrđeno je sljedeće:

- Izjava ponuđača o ispunjenosti uslova iz člana 45. stav (1) tačaka c) i d) Zakona o javnim nabavkama Aneks 4 - nije potpisana niti ovjerena od strane nadležnog organa;
- Pismena izjava iz člana 52. Zakona o javnim nabavkama Aneks 6 - nije potpisana, niti ovjerena od strane nadležnog organa;
- Nacrt Ugovora- Aneks 9 - potpisan - nije dostavljen u okviru ponude;
- Dokaz da je ponuđač uspješno realizovao najmanje tri ugovora koji se odnose na predmet javne nabavke u prethodne tri godine (računajući period do datuma objavljivanja obavještenja o nabavci)- nisu dostavljeni dokazi.

Svi naprijed navedeni aneksi su sastavni dio TD i obavezni su u ponudi, dok je dokaze za uspješno realizovana najmanje tri ugovora koji se odnose na predmet javne nabavke u prethodne tri godine trebalo dostaviti u obliku potvrda. U skladu sa naprijed navedenim, ponuda ponuđača Pentagram d.o.o. Sarajevo je isključena zbog neispunjavanja uslova za kvalifikaciju i u skladu sa članom 68. stav (1) i stav 4. tačka i) Zakona o javnim nabavkama se odbacuje kao nepotpuna.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača i pregled i ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka ministrica za ljudska prava i izbjeglice BiH nije našla razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, Tenderskom dokumentacijom i provedenom e-aukcijom.

Uvidom u priloženu dokumentaciju, nesporno je da je izabrani ponuđač najbolje ocijenjen po kriteriju „najniža cijena“ utvrđenom u Obavještenju o nabavci, Tenderskoj dokumentaciji i Izvještaju o toku i završetku e-aukcije.

Naziv i sjedište ponuđača	Ukupna vrijednost ponude bez PDV-a	Ukupna vrijednost ponude sa PDV-om
1. Štamparija Fojnica d.d. Fojnica	6.989,73 KM	8.177,99 KM

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove odluke.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke.

Dostaviti:

- Svim ponuđačima,
- Sektoru za opće, pravne i finansijsko-materijalne poslove,
- a/a.

